

Broj: 16-9936-9/22

Datum: 17.11.2022. godine

Na osnovu odredbi člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14), člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14) i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku o izboru najpovoljnijeg ponuđača, broj: 16-9936-7/22 od 16.11.2022. godine, u postupku javne nabavke roba – Medicinska sredstva za potrebe Odsjeka za ortopediju/3, Implantati za operacije skolioza i kifoza, direktor Javne ustanove Opća bolnica „Prim. dr. Abdulah Nakaš“ donio je

ODLUKU **o izboru najpovoljnijeg ponuđača**

Član 1.

Prihvata se Preporuka o izboru najpovoljnijeg ponuđača, broj: 16-9936-7/22 od 16.11.2022. godine i Okvirni sporazum za javnu nabavku roba – Medicinska sredstva za potrebe Odsjeka za ortopediju/3, Implantati za operacije skolioza i kifoza, dodjeljuje se ponuđaču:

- **E-MEDIT d.o.o. Sarajevo, ponuda broj: P00030/22 dostavljena dana 09.11.2022. godine, za ukupnu cijenu ponude od 49.845,00 KM bez uračunatog PDV-a, odnosno 58.318,65 KM sa uračunatim PDV-om kao jedinom i najpovoljnijem ponuđaču, na godišnjem nivou.**

Član 2.

Postupak iz člana 1. ove Odluke proveden je metodom „otvoreni postupak“, te je nakon otvaranja i evaluacije ponuda trebala biti provedena „E-aukcija“, a za izbor najpovoljnijeg ponuđača korišten je kriterij „najniža cijena“.

Ugovorni organ je u Tenderskoj dokumentaciji predvidio provođenje E-aukcije.

U skladu sa članom 3. stav (3) Pravilnika o uslovima i načinu korištenja E-aukcije („Službeni glasnik BiH“ broj 66/16) u slučaju prijema jedne prihvatljive ponude E-aukcija se ne može zakazati, nego se postupak okončava u skladu sa članom 69. Zakona o javnim nabavkama („Službeni glasnik BiH“ broj 39/14).

Član 3.

U postupku nabavke iz člana 1. ove Odluke zaprimljena je 1 (jedna) kvalifikovana ponuda ponuđača:

1. **E-MEDIT d.o.o. Sarajevo, sa ukupnom cijenom ponude u iznosu od 49.845,00 KM bez uračunatog PDV-a.**

U postupku nabavke iz člana 1. ove Odluke nije zaprimljena nijedna nekvalifikovana ponuda.

Član 4.

Izabrani ponuđač: E-MEDIT d.o.o. Sarajevo se oslobađa obaveze dostavljanja originala ili ovjerenih kopija dokumentacije iz člana 45. i 47. Zakona o javnim nabavkama, jer je iste dostavio uz ponudu.

Član 5.

U skladu sa članom 98. stav (2) tačka a) Zakona o javnim nabavkama („Službeni glasnik BiH“ broj 39/14) prijedlog okvirnog sporazuma o nabavci se dostavlja na potpis izabranom ponuđaču uz Odluku o izboru najpovoljnijeg ponuđača i Zapisnik o pregledu i ocjeni ponuda.

Član 6.

Ova Odluka objavit će se na internet stranici Javne ustanove Opća bolnica „Prim. dr. Abdulah Nakaš“ (www.obs.ba), istovremeno sa upućivanjem ponuđaču koji je učestvovao u postupku javne nabavke, u skladu sa odredbama člana 70. stav (6) Zakona o javnim nabavkama.

Član 7.

Ova Odluka stupa na snagu danom donošenja i dostavlja se ponuđaču koji je učestvovao u postupku javne nabavke, u skladu sa odredbama člana 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke, broj: **16-9936-1/22 od 11.10.2022. godine**. Javna nabavka je sprovedena putem **otvorenog postupka, JN-91/22**. Procijenjena vrijednost javne nabavke bez uračunatog PDV-a je **49.791,50 KM** na godišnjem nivou.

Obavještenje o nabavci, broj: **1125-1-1-331-3-205/22**, objavljeno je na Portalu javnih nabavki dana **28.10.2022. godine**. Sažetak obavještenja o nabavci objavljen je u Službenom glasniku BiH, broj: **74/22** dana **04.11.2022. godine**.

Komisija za nabavku, imenovana je Rješenjem broj: **16-9936-2/22 od 11.10.2022. godine**. Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: **16-9936-6/22 od 16.11.2022. godine**, Preporuku o izboru najpovoljnijeg ponuđača, broj: **16-9936-7/22 od 16.11.2022. godine** i Izvještaj o radu broj: **16-9936-8/22 od 16.11.2022. godine**, u postupku javne nabavke roba – **Medicinska sredstva za potrebe Odsjeka za ortopediju/3, Implantati za operacije skolioza i kifoza**.

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku blagovremeno zaprimljena 1 ponuda,
- da nije bilo neblagovremeno zaprimljenih ponuda;
- da je ponuda ponuđača **E-MEDIT d.o.o. Sarajevo** kvalifikovana i prihvatljiva za - **Medicinska sredstva za potrebe Odsjeka za ortopediju/3, Implantati za operacije skolioza i kifoza**, da su dostavljeni svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača, te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti, niti propuste u radu, koji bi eventualno bili osnov za neprihvatanje Preporuke Komisije za nabavku. Naime, u postupku je ocijenjeno da je Komisija u svemu pravilno postupila, te da je izbor najpovoljnijih ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom.

Uvidom u priloženu dokumentaciju, nesporno je da je izabran ponuđač **E-MEDIT d.o.o. Sarajevo** u postupku javne nabavke: **Medicinska sredstva za potrebe Odsjeka za ortopediju/3, Implantati za operacije skolioza i kifoza**, najbolje ocijenjen zbog najniže cijene – ukupna cijena ponude bez PDV-a: **49.845,00 KM bez uračunatog PDV-a**, na godišnjem nivou.

Iz navedenih razloga, primjenom odredbi člana 64. stav (1) tačka b) Zakona o javnim nabavkama, člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14), člana 8. stav (2), tačka d) Pravilnika o uspostavljanju i radu Komisije za nabavke („Službeni glasnik BiH“, 103/14), i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: **Javne ustanove Opća bolnica „Prim. dr. Abdulah Nakaš“, Kranjčevićeva broj 12, 71000 Sarajevo.** Žalba se podnosi u najmanje 3 (tri) primjerka.

Pripremila:

Aldijana Ećo, BA prava, službenik za javne nabavke

Kontrolisala:

Amira Petrović, BA općeg prava, šef Odsjeka za javne nabavke

Dostaviti:

- Ponuđaču: E-MEDIT d.o.o. Sarajevo
- Odjeljenje za ekonomsko – finansijske poslove
- Odsjek za javne nabavke
- Bolnička apoteka
- Komisija za javne nabavke



DIREKTOR

Amira Petrović